

PANTULONG SA PAGPLANO NG PAGSAMBÁ

4 Linggó ng Pagdating - B

2017-12-24

Leksyonaryo Bilang 11

MAAARING AWIT SA PAGTITIPON

Balang Araw

Halina, Hesús, Aming Mananakóp

Halina, Hesús | Rene Javellana SJ at E.P. Hontiveros SJ

Halina, D'yos Mesias (O Come, Divine Messiah)

Panginoón, Hanggáng Kailán? | Danny Isidro SJ at Fruto Ramirez SJ

PANGINOÓN, KAAWAÁN MO KAMÍ.

LITÚRHIYA NG SALITÁ

UNANG PAGBASA..... 2 Samuel 7:1-5, 8b-12, 14a, 16

Pagpapahayag mula sa Ikalawang Aklat ni Samuel

Si David ay panatag nang nakatira sa kaniyang bahay.

Sa tulong ng Panginoón,

hindi na siyá ginambala ng kaniyang mga kaaway.

Tinawag niyá si Natan at sinabi,

“Nakikita mong nakatira akó sa tahananang sedro,
ngunit ang Kaban ng Tipan ay sa tolda lamang.”

Sumagot si Natan,

“Isagawa mo ang iyong iniisip,
sapagkat ang Panginoón ay sumasaiyo.”

Ngunit nang gabing iyo'y sinabi ng Panginoón kay Natan,

“Ganito ang sabihin mo kay David:

‘Pagtatayo mo ba akó ng tahanan?

Inalis kita sa pagpapastol ng tupa
upang gawing pinuno ng bayang Israel.

Kasama mo akó saanmang dakó
at lahat mong mga kaaway ay aking nilipol.

Gagawin kong dakila ang iyong pangalan
tulad ng mga dakilang tao sa daigdig.

Bibigyan ko ang Israel ng kaniyang lupa
at doon ko patitirahin.

Wala nang gagambala sa kanila roon;
wala nang aalipin sa kanila tulad noong una,
buhat nang maglagay akó ng hukom nila.

Magiging payapa ka
sapagkat wala nang gagambala sa iyo.

Bukod dito,

akóng Panginoón ay nagsasabi sa iyo:

Patatatagin ko ang iyong sambahayan.

Pagkamatay mo,

isa sa iyong mga anak ang ipapalit ko sa iyo.

Patatatagin ko ang kaniyang kaharian.

Kikilanlin ko siyang anak at akó nama'y magiging ama niyá.

Magiging matatag ang iyong sambahayan,
ang iyong kaharia'y hindi mawawaglit sa aking paningin
at mananatili ang iyong trono.’”

TUGÓN SA SALMO

Andante (♩ = c. 98) VIC ROMERO

Pag - i - big mong wa - lang ma - liw ay

la - gi kong sa - sam - bi - tin.

Tugtugin © 2010-2014 Vic Eclar Romero. All rights reserved. www.magsimba.com

Pag-ibig mong walang maliw ay lagi kong sasambitin!

SALMO: Awit 089:2-3, 4-5, 27+29

Pag-ibig mo, Poon,
na di nagmamaliw ang sa tuwi-t'wina'y aking aawitin;
ang katapatan mo'y laging sasambitin.
Yaong pag-ibig mo'y walang katapusan,
sintatag ng langit ang 'yong katapatan.

Sabi mo, Poon,
ikaw ay may tipan na iyong ginawa kay David mong hirang
at ito ang iyong pangakóng iniwan:
"Isa sa lahi mo'y laging maghahari,
ang kaharian mo ay mamamalagi."

Gagawin ko siyang anak na panganay,
mataas na hari nitong daigdigang!
Laging maghahari ang isa n'yang angkan,
sintatag ng langit yaong kaharian.

IKALAWÁNG PAGBASASulat sa mga Taga-Roma 16:25-27

Pagpapahayag mula sa Sulat ni Apostol San Pablo
sa mga taga-Roma
Mga kapatid:
Purihin ang Diyos na makapagpapatibay sa inyo
sa pamamagitan ng Mabuting Balita
tungkol kay Hesukristo na ipinangangaral ko sa inyo.

Ang Mabuting Balitang iyan ay isang hiwaga
na nalihim sa loob ng mahabang panahon,

at sa utos ng walang hanggang Diyos
ay nahayag ngayon sa mga Hentil
upang sila'y manalig at tumalima kay Kristo.
Ang lahat ng iyan ay ayon sa mga sulat ng mga propeta.

Sa iisang Diyos, ang marunong sa lahat –
sa kaniya iukol ang papuri magpakailanman
sa pamamagitan ni Hesukristo! Amen!

Ang Salita ng Diyos!

PAMBUNGAD SA MABUTING BALITA

Narito ang lingkod ng D'yos maganap nawa nang lubos ang salita mong kaloob.

MABUTING BALITA.....Mabuting Balita ayon kay San Lucas 1:26-38

Ang Mabuting Balita ng Panginoon ayon kay San Lucas
Noong panahong iyon:
Ang anghel Gabriel ay sinugo ng Diyos sa Nazaret, Galilea,
sa isang dalaga na ang pangala'y Maria.
siya'y nakatakdang ikasal kay Jose,
isang lalaki buhat sa lipi ni Haring David.
Paglapit ng anghel sa kinaroroonan ng dalaga, binati niya ito.

“Matuwa ka! Ikaw ay kalugud-lugod sa Diyos.” wika niya.
“Sumasaiyo ang Panginoon!”

Nagulumihan si Maria sa gayong pangungusap,
at inisip niyang mabuti kung ano ang kahulugan niyon.
Kaya't sinabi sa kaniya ng anghel,
“Huwag kang matakot, Maria,
sapagkat kinalulugdan ka ng Diyos.

Makinig ka!
Ikaw ay maglilihi at manganganak ng isang lalaki,
at siya'y tatawagin mong Hesus.
Magiging dakila siya,
at tatawaging Anak ng Kataastaasan.

Ibibigay sa kaniya ng Panginoong Diyos
ang trono ng kaniyang amang si David.
Maghahari siya sa angkan ni Jacob magpakailanman,
at ang kaniyang paghahari ay walang hanggan.”
“Paanong mangyayari ito, gayong ako'y dalaga?” tanong ni Maria.

Sumagot ang anghel, “Bababa sa iyo ang Espiritu Santo,
at lililiman ka ng kapangyarihan ng Kataas-taasan.
Kaya't banal ang ipanganga-nak mo at tatawaging Anak ng Diyos.

Natatandaan mo ang iyong kamag-anak na si Elisabet?
Alam ng lahat na siya'y baog,
ngunit naglihi siya sa kabila ng kaniyang katandaan.
At ngayo'y ikaanim na buwan na ng kaniyang pagdadalantao
– sapagkat walang hindi mapangyayari ang Diyos.”

Sumagot si Maria, “Ako'y alipin ng Panginoon.
Mangyari sa akin ang iyong sinabi.”
At nilisan siya ng anghel.

Ang Mabuting Balita ng Pa-aginginooon!

HOMILYA

PAGPAPAHAYÁG NG PANANÁMPALATAYÀ

PANALANGIN NG BAYAN

- .. a. Para sa Simbahan, ang Bayan ng Diyós
- .. b. Para sa mga Kinaúukulan
- .. c. Para sa Nangángailangan, Naghihirap, Maysakit at Yumao
- .. d. Para sa mga Dumaló sa Misa Dito at Ngayón

LITÚRHIYÀ NG EUKARISTIYA

MAAARING AWIT SA PAG-AALAY

Awit ni Maria: Ang Puso ko'y Nagpupuri
Abá, Ginoong Maria

SANTO, SANTO, SANTO

PAGBUBUNYÍNG PANG-ALAALA

DAKILANG AMEN

PANALANGIN NG PANGINOÓN

KORDERO NG DIYÓS

MAAARING AWIT SA PAKIKINABANG

Emmanuel
Halina, O Emanuel
Awit (Salmo) 089
Halina, O Hesús | Danny Isidro SJ at Nemy Que SJ
Sa Amang Mahal Sumilang (Of the Father's Love Begotten)

MAAARING AWIT SA PAGHAYÒ

Halina, Hesús | Rene Javellana SJ at E.P. Hontiveros SJ
Halina, D'yos Mesias (O Come, Divine Messiah)
Halina, Hesús, Aming Mananakóp | Danny Isidro SJ at Nemy Que SJ
Halina, D'yos Mesias (O Come, Divine Messiah)
Balang Araw | Silvino Borres Jr SJ at M.V. Francisco SJ

Sa mga sulat-tugtugin, ang « ng » ay isinusulat na « nang » at ang « mga » ay « manga ».
Palitán ang « Yahweh » ng « Poón »; ang « si Yahweh » ng « ang Poón ».

r

Nagpapasalamat sa mga mungkahing awitin
sa Lupon ukol sa Litúrhiya sa Tagalog.